



UNIVERSITÄTS-  
BIBLIOTHEK  
PADERBORN

**Florus Biblicus Seu Narrationes, Ex Veteri Testamento  
Selectæ**

**Pexenfelder, Michael**

**[S.l.], 1711**

XXII. Mosis ortus & legatio.

---

[urn:nbn:de:hbz:466:1-64523](https://nbn-resolving.org/urn:nbn:de:hbz:466:1-64523)

nem. Fuit Propheta, qui inter alia arcana, Ora-  
culum de resurrectione corporum admirabili cla-  
ritate profudit. Fuit Martyr, non tantum suppli-  
ciorum acerbitate, sed etiam causâ. Fuit Doctor,  
& gentium Magister & verbis & factis. Fuit Sa-  
cerdos, cujus ipse munus sapius pro filiis & amicis  
sacrificando ostendit.

NAR. XXII.

MOSIS ORTVS,  
EIVSQUE AD PHARAO-  
NEM, ÆGYPTI REGEM LEGARIO

Exodi 1. 2. 3. 4. Anno M. 2451. ad Annum  
2543. ante Ch. 1570.

I Sraëlita, postquam in Gessenam, Ægypti regio-  
nem descenderunt, annorum centum & decem  
intervallô, in immensum excrescentes benevo-  
lis semper regibus usi sunt, Iosephi meritorum in  
Ægypto gratâ memoriâ. Post cujus decessum a-  
lius Pharao, propria nuncupatione *Amenophes* vel  
*Amenophis* Ægyptijs imperavit, perinsensus Hebrææ  
genti, quam pecunijs primùm exsuxit; deinde mu-  
tuum sumere coactos, nec tamen solvendo pares,  
per creditores in nexum, nervum, servitutem tra-  
xit. Per operum quoque locatores, mercede ju-  
sta defraudantes, ad acerbitatem & laboris detre-  
ctationem eos perduxit. Detrectantes nihilo feci-  
us ad opera per exactores & præfectos adegit: ut lu-  
to subigendo, latere coquendo, faxis cædendis, cal-  
ce miscenda, convectando sabulo, corradendis are-  
nis,

G

nis,

nis, egerendo limo, glebis effodiendis distinerentur: & quidquid in omni regno sordidi negotij, vel de-  
specti ministerii reperiri possiet aut excogitari, mani-  
bus id Israëliticis universon tractaretur. Id ni fa-  
cerent, tergo luerent. Additum crudelius impe-  
rium obstetricibus, ut Hebræos masculos omnes, fe-  
mul ac editi forent, elisis faucibus suffocarent.  
Quam barbariem cum obstetrices, pijs fraudibus e-  
lulissent, ipsis mandari parentibus captum est, inau-  
dita legis immanitate, Parvulos ut mares statim ab  
ortu, Nilo demergerent: femellas, Ægyptiorum  
famulitio, libidinique reservarent. Qui secus fe-  
cissent, capite luerent. Cum autem ne sic quidem  
Hebræa virilitas imminueretur, tyrannus structura-  
rum & ædificierum omne genus (præter duas urbes  
*Phithonem* ac *Rameffen*, opum & thesaurorum custodias  
eductas) commentus est, in alijs insuper urbibus ac  
castellis instaurandis, permuniendis, obvallandis, nilo  
in multas fossas diducendo, & aggeribus eas cingere  
do, ad miseros diris modis delassandos; donec uno  
trigintaque regiminis expletis annis, infelicem ani-  
mam Tartaro, vicissim torquendam transmisset.

Quem in regno post alios secutus est *Cenchris*, co-  
gnomento & ipse Pharaon (nam hoc nomen com-  
mune omnibus Ægypti regibus) eousque progres-  
sus est immanitatis, ut Israëlitæ, qui sub jugo tyran-  
nidis hucusque regum aliquot servierant, sub isto  
potissimum gemuisse, tanquam in fornace ferrea,  
perhibeantur. Quibus ærumnis finem ut DEUS  
faceret, *Mosen*, *Amrami* & *Iochabéda* filium, *Levi* nepo-  
tem, libertatis vindicem adhibuit Anno M. 2543  
Ante Ch. 1510. Eius ortus ita se habet.

Saellites Ægyptij tertio quoque mense Hebræorum domus scrutantes, curam injecerant parentibus, ut infantem ( tunc nominis expertem ) ob oris venustatem, sagaci tegerent custodia, ne rumor nati, ne vagitus flentis, ad cujusquam aures exirent. Quando verò ad eam ventum erat necessitatem, ut incertæ morti puerum committere præstaret, quam illum, totamque familiam tyrannico furori obijcere, mater filiorum in fiscella seu corbula de scirpis contexta clausum, rimis diligenter bitumine & pice oblitis, demittit in Nili, quâ tenuissimus tunc annis ripam lambebat, vadum, & in carecto abscondit, datis filix puellæ mandatis, ut, quid illo tandem futurum esset, velut aliud agens, cominus exploraret.

Fortè sic res, imò cœleste consilium tulit, ut eodem illo, quò puer expositus erat die *Thermutis*, Armenophthæ regis filia secundum flumen descenderet, meridiani temporis calorem lavacro temperatura. ( Nymphæum ad Nili ripam fuisse videtur, parietibus circummuntium. ) Igitur illa cum in hærentem carici fiscellam incidisset, & aperuisset, vagientem in ea puerum, forma conspicuum invenit, & ex absæcta pellicula, statim Hebræum esse cognovit. Partim autem misericordia stimulante, quam infantis decoræ lacrymæ provocabant; partim, quòd liberis ipsa magnas inter opes, carens, ex adoptione saltem, sterilitatis remedium quæreret, tolli parvulum jussit, ac nutriri. Puellæ sororis accurrentis, & operam suam in adducenda nutrice pollicentis, sedulitate factum est, ut eum non alia lactaret, quam eadem illa, quæ pepererat. Hæc à lacte

tandem depulsum Thermutidi reddidit; quæ Mosis seu Moyſis ei nomine ( propterea quòd ab undis extractus eſſet ) hauſtò, filium adoptavit. Septimum deinde ætatis annum ingreſſum, ſuperinductis inſtructoribus, Ægyptiorum omni litteraturâ curavit imbuendum, & liberalibus in Aula diſciplinis expoliendum. Qui poſtquam adolevit, nuntium Aulæ regiæ remiſit, & idolatrarum profana commercia vitans, Iſraëlitarum cœtus frequentavit. Unde Sacrificulorum Ægyptiorum indignatione, criminationibusque labefactatus, regique delatus, quod Ægyptium quendam, Hebræi percufforem, neci dediffet, ut ſupplicio ſe ſubduceret, ex Ægypto in *Madianitida* regionem profugit, ibique *Raguelis*, cognomento *Iethronis*, filia *Sephòra* in uxorem ductâ, ex eaque duobus ſuſceptis filijs, gregum ſoceri ſui cuſtodem & paſtorem in ſolitudine *Pharan* egit.

Nam Moſes ſibi, Deoque vacaturus, vitæ ſeſe paſtoritiæ addixit in regione, ubi minimè naceretur. Fortè ſederat ad puteum fatigatus, cùm ſuperventore ſeptem filia Sacerdotis Madianitici, viri Principis, ad hauriendam aquam Moſe officioſè earum operam adjuvante. Cùmque cuperent greges adquare ſuos ex alveis, quos undâ repleverant; prohibentur à paſtoribus, alieno labore per vim fruituris. Moſes, qua erat & corporis dignitate, & animi robore, inſurgit unus contra plures, fugatque rudem & ragreſtem ferociam. Puellæ beneficiò hominis peregrini domum nuntiatò, jubentur à parente redire ad fontem, & invitare in ædes hoſpitem tantum humanum. Ejus præſentia adeò delectavit Jethronem, ut filiarum unam in matrimonium ipſi daret;

vicissimque à genero veri Numinis cultum jam tum, ut Salianus vult, acciperet, anno scil. Mundi 2506. Exod. 2. Interea Moses custodem pecoris agere perseveravit, annos omnino 40. Donec anno M. 2543. ad radices Horebi montis ( qui pars est jugi Sinæi ) pascenti, Angelus DEI vices repræsentans, in rubo flagrante quidem, nec tamen conflagrante, aspectabilem se fecit, denuntiavitque, iret legati munerere regem ad Ægyptium, Israëliticæ gentis oppressorem: ut illius sic gratiis, sive ( quod certius futurum ) ingratijs, Hebræos omnes ex Ægypto deduceret in opulentas Palæstinæ regiones. Adversus id imperium, humili de se ipso sensu, nitentem Mo- sen, & excusationibus super imperitia sua, variis tergiversantem, animat gemino, novoque prodigio; primùm quidem, virgæ pastoritiæ; quam proijci jussam, verti vidit in colubrum, ac de colubro rur- sus in virgæ naturam, formamque reverti. Dein- de manûs in sinum suum immissione mundata: quam Moses primò, leprâ coopertam retraxit; al- tera mox retractione penitus sibi restitutam, ac sa- nam recepit; adjuncta his pollicitatio, Nili fluminis in sanguinem olim trausmutandi, & fratris ei Aara- onis eloquentiâ valentis ( linguæ enim balbutiem excusarat Moses ) adjungendi.

Tot actam gravibus exstimulatus hortamentis Moses coacto Procerum Hebræorum & Seniorum cætu, expositoque manus in sinum immissæ leprâ correptæ, luëque depulsa retractæ; Nili præterea haustæ lymphæ repentino cruore infectæ, specimi- ne edito, cum Araone fratre, omnibus approbanti- bus, ad Pharaonem regem adit DEI mandata diser- tis

tis verbis exponit: Israëliitarum omne nomen, itinere triduo, poscit in Arabiae deserta emitti; Deo coeli victimis illic certis, ac lege praescriptis, sacrificaturum. Adquae postulata Tyrannus graviter excandescens, eos non tantum a se repulit, eiecitque; sed mox dirius etiam Hebraeos haberi iussit, adigique ad stipulas, paleas, & omnis generis quisquilias undique comportandas, sectasque luto miscendas, & laterum pensum severius praestandum; instantibus operum praefectis, qua verberibus, & nudata terga, loris ac flagris scindentibus. Ita furentem Tyrannum, cum Moses & Aaron, mandato divino, rursus convenissent & populi dimissionem nequicquam urissent, denique expugnanda, plectendaque pertinacia, ad prodigia & supplicia ventum est. Nam Vindicta divina a mitioribus remediis ad acriora; & a minoribus supplicijs ad extrema procedit, tantoque ferit durius, quo lentius coquit in obstinatos fulmen.

NAR. XXIII.  
**DECEM PLAGÆ  
 ÆGYPTI,**  
 Exodi 7. 8. 9. 10. Anno M. 2543. Ante Christum 1510.

**S**icut Pueri nequam, & perversi verberibus sunt duriores, ita Scelerati flagellis a DEO incussis. Posteaquam missionem deneganti Pharaoni, & inani potius cupiditate, quam obsequendi voluntate, legationis indubitabilem veritatem,